



Broj/ Број : 02/2-50-1-69-39-13/05
Sarajevo/ Сарајево : 13. 9. 2005.

Z A P I S N I K

39. sjednice Komisije za vanjsku i trgovinsku politiku Doma naroda Parlamentarne skupštine BiH održane 13. 9. 2005.

Tridesetdevetu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Vinko Radovanović, Osman Brka, Velimir Jukić i Ruža Stojanović, kao i Nevenka Savić, sekretar Komisije i Aida Kreho, pripravnik-volonter. Anto Spajić bio je opravdano odsutan.

Osim navedenih, sjednici su, u svojstvu predstavnika predlagača, prisustvovali: Radomir Bogdanović, rukovodilac odjela iz Ministarstva vanjskih poslova, Jusuf Kumalić, pomoćnik ministra finansija i trezora, Edita Perić, savjetnik ministra vanjske trgovine i ekonomskih odnosa i Mensur Šehagić, rukovodilac odjela u Ministarstvu vanjske trgovine i ekonomskih odnosa.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

DNEVNI RED

1. Usvajanje Zapisnika sa 38. sjednice Komisije;
2. Informacija po zaključku Komisije o sastanku predsjedavajućeg Doma naroda i predsjedavajućeg Komisije sa predsjedavajućim Vijeća ministara BiH u vezi sa Prijedlogom zakona o izmjenama i dopunama Zakona o akcizama Bosne i Hercegovine, Prijedlogom zakona o duhanu i Prijedlogom zakona o akcizama na duhanske proizvode predlagača delegata Tomislava Limova;
3. Saglasnost za ratifikaciju Okvirnog sporazuma između Evropske zajednice i Bosne i Hercegovine o općim načelima sudjelovanja BiH u programima Zajednice - predlagač Predsjedništvo BiH;
4. Saglasnost za ratifikaciju Ugovora o sveobuhvatnoj zabrani nuklearnih proba - predlagač Predsjedništvo BiH;

5. Saglasnost za ratifikaciju Ugovora između Bosne i Hercegovine i Republike Slovenije o izručenju - predlagač Predsjedništvo BiH;
6. Saglasnost za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima - predlagač Predsjedništvo BiH;
7. Saglasnost za ratifikaciju Ugovora između Bosne i Hercegovine i Republike Slovenije o međusobnom izvršavanju sudskih odluka u krivičnim stvarima - predlagač Predsjedništvo BiH;
8. Saglasnost za ratifikaciju Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima - predlagač Predsjedništvo BiH;
9. Saglasnost za ratifikaciju Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima - predlagač Predsjedništvo BiH;
10. Saglasnost za ratifikaciju Sporazuma između Bosne i Hercegovine i Republike Hrvatske o izmjeni Sporazuma između Vlade Bosne i Hercegovine, Vlade Federacije Bosne i Hercegovine i Vlade Republike Hrvatske o pravnoj pomoći u građanskim i krivičnim stvarima - predlagač Predsjedništvo BiH;
11. Saglasnost za ratifikaciju Sporazuma o pravnoj saradnji u građanskim i privrednim stvarima između Bosne i Hercegovine i Republike Turske - predlagač Predsjedništvo BiH;
12. Saglasnost za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vlade Republike Turske - predlagač Predsjedništvo BiH;
13. Saglasnost za ratifikaciju Sporazuma između Vlade Bosne i Hercegovine i Vlade Savezne Republike Njemačke o saradnji u oblasti kulture, obrazovanja i nauke - predlagač Predsjedništvo BiH;
14. Saglasnost za ratifikaciju Ugovora između Bosne i Hercegovine i Islamske Republike Pakistan o izbjegavanju dvostrukog oporezivanja i prevenciji izbjegavanja poreskih obaveza u pogledu poreza na dohodak - predlagač Predsjedništvo BiH;
15. Izvještaj o posjeti delegacije Parlamentarne skupštine BiH Francuskoj;
16. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 38. sjednice Komisije

Zapisnik sa 38. sjednice Komisije jednoglasno je usvojen.

Ad. 2. Informacija po zaključku Komisije o sastanku predsjedavajućeg Doma naroda i predsjedavajućeg Komisije sa predsjedavajućim Vijeća ministara BiH u vezi sa Prijedlogom zakona o izmjenama i dopunama Zakona o akcizama Bosne i Hercegovine, Prijedlogom zakona o duhanu i Prijedlogom zakona o akcizama na duhanske proizvode predlagača delegata Tomislava Limova;

Predsjedavajući Komisije informirao je prisutne da zbog obaveza predsjedavajućeg Vijeća ministara BiH i sezone godišnjih odmora nije bilo moguće održati sastanak. Članovi Komisije bili su jednoglasni u odluci da se o ovom pitanju raspravlja na sljedećoj sjednici Komisije kada se steknu uvjeti da se dobije potpuna informacija.

Ad. 3. Saglasnost za ratifikaciju Okvirnog sporazuma između Evropske zajednice i Bosne i Hercegovine o općim načelima sudjelovanja BiH u programima Zajednice

U svojstvu predstavnika predlagača, o Sporazumu je govorio g. Bogdanović. Nakon toga, članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 4. Saglasnost za ratifikaciju Ugovora o sveobuhvatnoj zabrani nuklearnih proba

U svojstvu predstavnika predlagača, o Sporazumu je govorio g. Bogdanović. U diskusiji je bilo govora o finansijskim obavezama Bosne i Hercegovine koje proističu iz Ugovora, mogućnostima za angažovanje naših ljudi u radnim tijelima koja se formiraju, kao i rokovima za okončanje postupka ratifikacije i deponovanja Ugovora kod depozitara – generalnog sekretara UN. Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 5. Saglasnost za ratifikaciju Ugovora između Bosne i Hercegovine i Republike Slovenije o izručenju

O Ugovoru je govorio g. Bogdanović. Konstatirano je da se sa ratifikacijom značajno kasni, s obzirom da je Ugovor potpisan 2002. godine. Razlozi kašnjenja su, generalno govoreći, neažurnost, te su članovi Komisije ponovo zatražili od Ministarstva vanjskih poslova da se sa njihove strane učini sve da se ubrza procedura ratifikacije sporazuma i ugovora.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 6. Saglasnost za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima

U svojstvu predstavnika predlagača, o Ugovoru je govorio g. Bogdanović. On je istakao da je Ugovor potpisan 2002. godine, po karakteru je tipski ugovor i predložio je da se da saglasnost za ratifikaciju jer će njegova primjena biti od velike koristi građanima BiH. U diskusiji su učestvovali svi članovi Komisije. Konstatirano je da još nije potpisan ugovor o socijalnoj zaštiti sa Slovenijom, pa je g. Bogdanović informirao članove Komisije da su pregovori u toku. G. Brka je izrazio rezerve u pogledu dalje ratifikacije sporazuma i ugovora sa Republikom Slovenijom dok se ne riješe otvorena pitanja dvije zemlje. Kao naročito sporna odredba ovog Ugovora, spomenut je član 1. stav 3. koji se odnosi na angažovanje advokata u postupcima pred sudovima dvije

zemlje. Primjećeno je da ova odredba ne postoji u ugovorima istog tipa sa drugim zemljama. Stavovi su u pogledu ove odredbe bili podijeljeni sa stanovišta povoljnosti za naše advokate, pa su članovi Komisije jednoglasno zaključili da se upute dopisi advokatskim komorama oba entiteta i zatraži očitovanje vezano za ovo pitanje. Po prijemu ovih dodatnih mišljenja, Ugovor će se ponovo naći na dnevnom redu Komisije.

Ad. 7. Saglasnost za ratifikaciju Ugovora između Bosne i Hercegovine i Republike Slovenije o međusobnom izvršavanju sudskih odluka u krivičnim stvarima

O Ugovoru je govorio g. Bogdanović. Istakao je da potpisan 2001. godine i upoznao članove Komisije sa prednostima zaključenja ovog Ugovora za građane BiH.

Članovi Komisije su većinom glasova (sa jednim glasom protiv) odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 8. Saglasnost za ratifikaciju Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima

O Ugovoru je govorio g. Bogdanović. Ugovor je potpisan 2005. godine, ratifikacija se predlaže u cilju razvijanja odnosa uzajamnog povjerenja i sradnje u oblasti pravnog saobraćaja u krivičnim stvarima, uključujući ratne zločine.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 9. Saglasnost za ratifikaciju Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima

O Ugovoru je govorio g. Bogdanović. U diskusiji povodom ovog Ugovora govorilo se o uključenosti parlamentarnih komisija u proceduru utvrđivanja teksta sporazuma, tj. platforme za potpisivanje ugovora/sporazuma. U tom cilju, članovi Komisije su jednoglasno zaključili da se uputi dopis Ministarstvu vanjskih poslova kojim će se zatražiti njihov prijedlog za uključivanje parlamentarnih komisija u pripremu platforme za pregovore.

Nakon toga, članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 10. Saglasnost za ratifikaciju Sporazuma između Bosne i Hercegovine i Republike Hrvatske o izmjeni Sporazuma između Vlade Bosne i Hercegovine, Vlade Federacije Bosne i Hercegovine i Vlade Republike Hrvatske o pravnoj pomoći u građanskim i krivičnim stvarima

U svojstvu predstavnika predlagača, o Sporazumu je govorio g. Bogdanović. Pošto se radi o formalnim izmjenama u tekstu, rasprava nije vođena. Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 11. Saglasnost za ratifikaciju Sporazuma o pravnoj saradnji u građanskim i privrednim stvarima između Bosne i Hercegovine i Republike Turske

O Sporazumu je govorio g. Bogdanović. Sporazum je potpisan 2005. godine u cilju unapređenja saradnje i pomoći u građanskim i privrednim stvarima.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 12. Saglasnost za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vlade Republike Turske

O Sporazumu je govorio g. Bogdanović. Članovi Komisije su pozdravili potpisivanje ovog Sporazuma, te predložili realizaciju planirane posjete Velikoj Narodnoj Skupštini Turske.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 13. Saglasnost za ratifikaciju Sporazuma između Vlade Bosne i Hercegovine i Vlade Savezne Republike Njemačke o saradnji u oblasti kulture, obrazovanja i nauke

O Sporazumu je u uvodu govorio g. Bogdanović. Predsjedavajući Komisije je istakao da je ovo izvanredan Sporazum koji regulira mnogobrojna pitanja od kojih je istakao kulturu, obrazovanje, sport, medije, itd.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 14. Saglasnost za ratifikaciju Ugovora između Bosne i Hercegovine i Islamske Republike Pakistan o izbjegavanju dvostrukog oporezivanja i prevenciji izbjegavanja poreskih obaveza u pogledu poreza na dohodak

O Ugovoru je govorio g. Kumalić. On je istakao da je to jedan od 15-ak ugovora/sporazuma potpisanih sa Pakistanom. Cilj ovog Ugovora je da se izbjegne dvostruko oporezivanje i tako stimuliraju pakistanski biznismeni da investiraju u Bosnu i Hercegovinu.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 15. Izvještaj o posjeti delegacije Parlamentarne skupštine BiH Francuskoj

Članovi Komisije su Izvještaj primili k znanju.

Ad. 16. Tekuća pitanja

Predsjedavajući je informirao članove Komisije o rokovima za razmatranje prijedloga zakona za koje je u komisijskoj fazi nadležna Komisija za vanjsku i trgovinsku politiku. Članovi Komisije su se dogovorili o terminu održavanja naredne sjednice.

Predsjedavajući Komisije
Hasan Čengić